

**- UPRAVNI ODBOR -**

Broj: 02-35/21

Sarajevo, 09.11. 2021. godine

ZAPISNIK**SA 51. ELEKTRONSKE SJEDNICE UPRAVNOG ODBORA INTEGRIRANOG
UNIVERZITETA U SARAJEVU
ODRŽANE 29. 10. 2021. GODINE S POČETKOM U 12:00 SATI**

Prisutni članovi Upravnog odbora (pozvani putem e-maila): predsjednik dr. sc. Murat Ramadanović, gospođa Mersiha Sabaredžović-Klačar, dr. sc. Mersiha Slipičević, gospodin Sifet Kukuruz, prof. ddr. Lidija Zvačko, prof. dr. Jasminka Gradašević-Sijerčić, prof. dr. Dijana Avdić, akad. prof. dr. Dejan Milošević, prof. dr. Kasim Bajrović i Hamza Vahid El-Din, predstavnik studenata.

Ostali prisutni (obaviješteni putem e-maila): prof. dr. Rifat Škrijelj, rektor Univerziteta u Sarajevu, prof. dr. Tarik Zaimović, prorektor za finansije, prof. dr. Dženana Husremović, prorektorica za nastavu i studentska pitanja, prof. dr. Mirza Dautbašić, prorektor za naučnoistraživački rad, prof. dr. Enita Nakaš, prorektorica za međunarodnu saradnju, prof. dr. Tamara Karača Beljak, prorektorica za umjetnost, umjetničkoistraživački rad, kulturu i sport, prof. dr. Dušanka Bošković, prorektorica za kvalitet, Kenan Filipović generalni sekretar, gospodin Ekrem Čagalj, interni revizor, prof. dr. Sahrudin Sarajčić, izvršni direktor, Berina Smajlović, rukovodilac Službe za prave poslove i Belma Hajradinović, viši stručni saradnik Službe za pravne poslove.

Elektronska sjednica je započela u 12:00 sati.

Sjednici nisu pristupili: dr. sc. Mersiha Slipičević, gospodin Sifet Kukuruz i Hamza Vahid El-Din, predstavnik studenata.

Članovima Upravnog odbora Univerziteta u Sarajevu (u daljem tekstu: Upravni odbor) putem mail-a dostavljen je poziv (uz prijedlog dnevnog reda) za održavanje 51. elektronske sjednice zakazane za *petak 29. oktobar 2021. godine*, sa naznakom perioda izjašnjavanja od 12:00 do 16:00 sati.

Na osnovu izjašnjenja predsjednika i članova Upravnog odbora, uz 7 (sedam) glasova „za“ Upravni odbor je usvojio dnevni red, kako *s l i j e d i*

DNEVNI RED

1. Davanje saglasnosti na Metodologiju izračuna dijela plaće za akademsko osoblje nastavnih baza medicinske grupacije, koji imaju ugovor sa Univerzitetom na nepuno radno vrijeme i Metodologiju izračuna naknade za angažovano akademsko osoblje nastavnih baza medicinske grupacije.

TOK SJEDNICE

Ad-1.

Upravnom odboru Univerziteta u Sarajevu je dostavljen Zaključak Vlade Kantona Sarajevo broj: 02-04-36903-19/21 od 07. 10. 2021. godine, kojim se prihvata odnosno daje saglasnost na Izvještaj Radne grupe za rješavanje pitanja obračuna i isplate plaća i naknada akademskom osoblju nastavnih baza medicinske grupacije Univerziteta u Sarajevu.

Navedenim Zaključkom je na osnovu prijedloga Radne grupe o Metodologiji izračuna dijela plaće za akademsko osoblje nastavnih baza medicinske grupacije, koji imaju ugovor sa Univerzitetom na nepuno radno vrijeme i Metodologiji izračuna naknade za angažovano akademsko osoblje nastavnih baza medicinske grupacije, utvrđena minimalna i maksimalna vrijednost koeficijenta plaće.

S tim u vezi, uvažavajući nadležnosti koje se vezuju za donošenje Jedinog pravilnika o plaćama i naknadama Univerziteta u Sarajevu, Upravni odbor Univerziteta u Sarajevu sa 7 (sedam) glasova „za“, donio *s l j e d e ć u*

ODLUKU

I

Upravni odbor Univerziteta u Sarajevu prihvata kao dodatak Jedinom pravilniku o plaćama i naknadama Univerziteta u Sarajevu *a) Metodologiju izračuna dijela plaće za akademsko osoblje nastavnih baza medicinske grupacije, koji imaju zasnovan radni odnos sa nepunim radnim vremenom sa Univerzitetom i b) Metodologiju izračuna naknade za angažovano akademsko osoblje nastavnih baza medicinske grupacije*, do izmjena i dopuna ovog Pravilnika.

II

Metodologije iz tačke I ove odluke se primjenjuju za obračun i isplatu plaća i naknada akademskom osoblju nastavnih baza medicinske grupacije počevši od mjeseca oktobar 2021. godine.

Obavezuje se Pomoćni operativni centar za visoko obrazovanje Univerziteta u Sarajevu da prilikom obračuna i isplate plaća i naknada akademskom osoblju nastavnih baza medicinske grupacije primjeni metodologije iz tačke I ove odluke.

III

Obavezuje se Univerzitet u Sarajevu da prema Zaključku Vlade Kantona Sarajevo za narednu sjednicu Upravnog odbora dostavi usaglašeni Jedinstveni pravilnik o plaćama i naknadama Univerziteta u Sarajevu.

IV

Ova Odluka stupa na snagu danom donošenja.

Sjednica je završena u 16:00 sati.

Sastavni dio zapisnika čini ispis poruka elektronske pošte predsjednika i članova Upravnog odbora.

**PREDSJEDNIK
UPRAVNOG ODBORA**

Dr. sc. Murat Ramadanović



Zapisničar:
Belma Hajradinović, MA prava